

故宮
珍
纂

宮
本
刊

湖南府州縣志

第十一冊

共二十冊



故宮博物院編

海南出版社

故宮珍本叢刊第 156 冊湖南府州縣志第 11 冊(共 20 冊)

故宮博物院編

藍山縣志
江華縣志
永明縣志

海南出版社

圖書在版編目(CIP)數據

故宮珍本叢刊.第156冊,地理.都會郡縣.湖南,[康熙]藍山縣志、[雍正]江華縣志、[康熙]永明縣志/故宮博物院編.-影印本.-海口:海南出版社,2001.4

ISBN 7-80645-979-0

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06589 號

故宮珍本叢刊第 156 冊

湖南府州縣志第 11 冊(共 20 冊)

[康熙]藍山縣志 [雍正]江華縣志 [康熙]永明縣志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:36.25 印數:1-400 冊

ISBN 7-80645-979-0/Z·60

定價:4180 元(湖南府州縣志 35 種共 20 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

蕭山縣志目錄

卷首

新序文一 舊序文六 後跋二 修志姓氏

凡例

卷之一

圖象志

星圖 地理圖 城垣圖 縣治圖 學宮圖

八景圖

卷之二

封域志

分野 建置沿革 疆界 形勝 山川

古蹟 風俗 物產 強弱

卷之三

營建志

城池 縣署 壇廟 街市 鄉隅 都甲

驛鋪 津梁 坊表 惠政

卷之四

賦役志

戶口 田賦 鹽政

卷之五

學校志

廟祀

卷之六 學校中

禮樂

卷之七 學校後

師儒 賓興 鄉飲 學規 書院 學田

卷之八

秩官志

知縣 佐貳 循吏

卷之九

武備志

武職 營兵 武功

卷之十

選舉志

科目 貢選 辟舉 雜途 貶封

卷之十一

人物志

名賢 孝子 隱逸 義行 耆壽 僑寓

卷之十二

列女志

孝婦 貞婦 烈婦

卷之十三

藝文志

記序議文

卷之十四 藝文下

銘贊詩

卷之十五

方外志

寺觀 仙釋

藍山縣舊志序

蔣學成 桂平人本州知州

嘗謂入國問禁為政常先問俗志以稽往蹟觀民風
典莫有鉅焉藍山隸桂陽居楚西南極邊余叨守詔日
按圖籍攷求康治之術以麗舊志病於繁迂乃議重
修集一日公事詣藍採邑事入詔紀取刻本閱之率俚
瑣不經獨物傳權記不至俶俎合舊之微無不詳註
而大者反或畧之縣令謝君願川謁謂余曰邑志
廢久矣茲欲編摩成全書以備參考吾責也吾志也
而未之逮俟熟圖之乃邑博張君深泉毅然以身任
其事遂謀諸司訓劉君石坪搜故實採遺蹟提綱析
類畧細詳大不數月而紀成持以示余其用心亦可
謂勤且敏矣遂白之謝尹肅幣走使諸余言以引其
端余惟修邑志者宜取其有關政體及切於事之急
者所以鏡往證今脩觀省而昭勸戒患在失實而無
當也藍俗昔椎魯而少文近稍稍歸智而好訟累聯
九疑寧遠大庾沅華諸隘峒警寇時發四面列營戍
守今茲言治當拊循以安反側彰軌以勵善良為要
圖斯志成而要者補繁者刪數十年所當紀之事備
載而悉收之秩官人物有傳山川賦產畢陳學校修
而風化之本以端戎伍練而防禦之策以預種種大

節垂諸簡篇固粲然可觀記宦斯土者循是而修
之不亦治乎雖謂爲政事楷範可也記事云乎哉

舊序

謝祖印氏人本
縣知縣

夫龍縣有志尚矣諸凡關於志者固不疑也顧錄者
尚博則據拾廣越尚奇則鉤致奧奧尚詞則組織麗
藻求其博而不迂奇而不說詞不汗漫而可以信今
傳後者益泐泐矣蓋志修於正德戊寅劉君文章歲
久而事蹟閭沕人亡而文獻寥落不能不來觀風者
之於邑也丙子孟夏州太尊定宇公按屬抵藍察民瘼
省方俗暇登宗濂書院之巔觀四山環拱脉接九疑
一水沂流汎演三湘嘆其山河之鞏固也因索志以
覈其實則見遺佚者次者盤體裁者認認乎觸於
目也乃喟然曰是志也容已於更修矣乎遂以其事
屬余余僕僕吏役且匪才也於時秉筆則學博深
泉張君校正則石屏劉君而草創則庠生朱子邦典
陳子昉彭子繼蘭彭子天叔輩媿余不過視成而已
集呈於定宇公覽畢輒欣然喜曰茲志也其殆可以稱
良矣乎叙事則博而要鑄詞則簡而文網舉而大義
昭於日星顯分而細微辨於毛髮舊每制度之稽物
產之核也今則人物詳於品評藝文精於櫟括吏其
所可除增其所未脩且列輿圖宮室於篇端而志之

凡例悉後焉一展卷而邑之大觀舉見矣是又得諸志之新格也是不可以稱良矣乎遂命梓之余承命竣其事僉謂余當有言於末簡意矣俟余言之贅哉茲志修而藍之天文地理王制民風煥然蔚然俾後觀志者無遺議焉足矣於是乎叙

萬曆四年丙子秋八月既望知藍山縣事邵武謝祖

書

舊序

藍山居楚南鄙風稱難治數十年來良吏罕有以無善從者故仕路以藍山爲畏途余濫宰斯邑朝受任而夕飲水矣夫藍治簡僻非有徵發期會鞭掌案牘之類也非有使事絡驛供億旁午之勞也且地多沃土非有中澤悲鳴他離流亡之患也賦輕於他邑亦非竭澤殫軸十室九空之苦也雖土逼諸崖盜賊充斥然疆場寧謐非有羽檄交馳桴鼓晝起之警也藍之難治者獨以俗俎陋民習囂悍縱禽魚之性且不知令甲爲何物訟可器也賦可匿也文可舞也驚擊絕之挺而走險使若於寬政又網漏吞舟此長吏即素號強幹者至藍而靡矣巧於惟科者至藍而拙矣治安得不難而令又安得以善從也夫民目不知有令甲我治以一切太府必且以上爲欺因我而周內我也誰其信之則欲求其耳目衆其心志莫若使習於先世之風氣矣大都山居之民其性激然其初氣質直近古轉爲中氣質直稍清特自高其風尚志翬凌詈詬詭法捍綱又其末流使然也載邑之風氣者孰有備於邑志者耶余甫下車即求邑誌已化爲烏有通索民間出斷簡殘編於故紙中縱曾魚亥承莫辨然而藍

先世之初氣猶存什一於千百也故訪於故老稽於文學重輯而付之梓人是志也其山川無雲夢七澤之奇其遺蹟無黃鶴鸚鵡之跡其風雅亦無湘江長沙之瑰麗惟是先民之遺範太初之渾樸猶未離其初氣夫志之所紀載者誰非藍民之先世藍俗之遺風乎肯何淳而今何悍肯何樸而今何以囂肯何惇惇於矩矱而今何以跳越自甘爲躍冶之人假令盡變其來沈之習尚而漸逐於初氣治藍者又何難焉昔夫子憂周末文將則思徵夏商之文獻以挽之余之輯藍志也夫亦徵文獻之極思乎明萬曆著雍數祥之歲

在姑洗藍山令執塘王元壽伯彭父撰

舊序

自古吏治莫盛神雀五鳳間而龔渤海黃頴川尤以興起文教爲稱首當時褒擢固自特異而班氏傳循吏亦首二公則其故可思已錢塘王公來令三藍飲水並政百廢具舉而其指尤在興學校厚風俗時華四封之後而督誨之俾以時呈其業而躬爲甲乙其次第間或進而與之譚說疑義楊圻今古益公之得於經術深其大要往往以文學飭爲吏治以故治甫期月絃歌百里文化翔洽余亦藉庇以無曠職業尋又俞士大夫之請修輯邑志鳴琴餘暇輒爲編纂編訖故實而一秉以空平之衡鑑不三月而告成卷凡一十有二亡論其文章無媿天祿石渠之秘其所網攝縷析確有章程若叔孫禮樂位置精當而其踴躍規畫纚纚洋洋若鼂大夫論兵事而賈太傅慷慨譚政務也詎特邑之士民有所誦法彼其指示利病動中窺縈長篇短牘何一非致治成法後之爲邑者一展卷間儼然對獨孤之鏡而又恍然提記事之珠已龔黃文教猶在一時公且垂之永永無斁異日國家所以褒擢我公者豈僅僅墨書黃金賜爵拜水衡而已哉乃公則猶若有所未愜者得非以藍雖楚邑越在

僻遠無軒轅章華鄂麋子之跡有可稱說無九章九辯白珩幸臣之對可以蒼藁而其人又無包胥卞和春申江上夫人之流足以供模寫於全帙中不無稍似寂寂耶然余則聞之弇州先生曰千古而有子長不能成史記夫亦政焉此也公可以無憾矣
藍山縣儒學訓導綏寧藥寒芝撰

舊序

余抵任之數日邑侯周君囑余曰藍誌久廢重修屬之邑博父矣今子司鐸藍庠盍爲我分其責乎侯於是時軍需急迫不得不公出追徵觀其意若侯以寬厚之政治民民當感戴恐後而亦有不盡化者抑古道之不可行於今耶余慨然曰治之尚寬厚父矣孰意於侯見之乎傳曰子產治鄭民不能欺子賤治單父民不忍欺西門豹治鄴民不敢欺嗟夫德不足者待威夫德誠使人不忍欺之又何事之不可治者耶此清淨寬厚之驗也或云藍邑邊徼也邊徼之地寬厚誠不足治之然余思之朝歌渤海磨颺虺蜥虎豹蛇螭之區皆造物以貽豪傑建勛樹業之處况藍邑母乎人材不擇地而生風氣亦有升降君無慮此藍邑之治異日以此寬厚之道秉樞軸而持鈞衡莫不游必而有餘余以侯拳拳志書之修知爲守先待後之具俾後之宰是邑者開卷瞭然絳風易俗必思有以轉移之因悉言邑侯之德以爲藍邑之士民勸所以盡區區之懷有如此爰附志一言若曰因之千里則曷敢知云

藍山縣儒學訓導王景曾撰

舊序

粵稽虞帝南巡狩輯瑞分荊州野而九疑則陵寢在焉藍山蓋湯沐邑也源發濂溪圖極有衍則周夫子遺澤也吾道南矣斯文不在茲乎匪道何程匪猷何復詎謂聖賢需被之區無常輶軒之採而縣誌不獲哉余四藍篆爰故前誌一曰藍器二曰匿賦三曰執手擊手則挺而走險若是其難治也則節錯根盤無用斷金之利矣士元守未陽子明令平江皆三苗地風尚大畧不遠之二公耆才率皆精敏強幹斷輪不傷其手顯救時人傑者之所爲而况矩賢夔聖察時變而用權衡溫之京之與民宜之寧慮政寬民慢政猛民殘不克張弛合度耶誌首疆域至別誌卷共十有二大約校裁於名學博與膠庠通經術者互爲參訂聚腋成裘洵美且備然楊厲山川景物者過多而忠孝節廉之事訐謏頌畫之章闕焉無聞補虎調龍藻繪於斷簡殘帙中詞雖善猶未聞君子之大道也百川學海而至於海向來協帝之餘徽濂溪之遺韻尚有未盡湮沒者乎胡爲今肯而不相及而致疑於振民育德者之鮮其術也聞之勞則思善藍民亦既以身之矣樸則生文藍士亦既有其質矣山愈峻水愈融

蛇蟠而鬱積必有卓犖瑰琦之氣發爲著英俾珥筆蘭臺者載之國史其爲藍誌重又何如哉企疑峯之蒼蔚淵濂溪之清霽觀風俗人材之淑且盛也斯足表名都之文獻爲臨蒞茲土者光歟書曰謨猷入告禮曰砥厲廉隅則余之畧景物而詳奏議刪武俠而錄節孝也此物此志也夫

昔

康熙己酉年正月元日

賜進士第都察院觀政蕙水鄭夢坤蒼輿甫序

藍山縣修志姓氏

大總裁

巡撫偏沅等處地方提督軍務兼理糧餉都

察院右副都御史加三級紀錄六次李發甲仙

雲南河陽人甲子

鑒定

湖南等處承宣布政使司布政使紀錄六次宋

致雅貢河南商丘人

湖南等處提刑按察使司按察使紀錄二十九

次毛文銓貢奉天鑲白旗人

湖南鹽糧儲道按察使司副使加三級紀錄十二

次王奕鴻樹江南太倉人

鑒修

衡州府知府金依堯 奉天鑲藍旗人副榜

同知朱鈞聲 奉天廂白旗人

通判張廷棟 廂白旗人

主修

藍山縣知縣加一級劉 涵介 遷安人蔭

纂修

藍山縣儒學教諭加一級劉世臣萬 湘潭人拔

督梓

藍山縣典史加一級章 松

藍山縣大橋巡檢加一級陳 拱

恭校

邑選拔貢生成廷屏

歲貢生楊存雍

黃芝鳳

邑弟子員成日章

黃光圖

成王臣

李材達

封道炳

成先登

鄒杏林

龍文蔚

廖憲榜

鄒一源

彭騰漢

藍山縣志撰修凡例六則

一邑乘創於明正德縣尹劉君文華重修於萬

曆謝君祖暨王君元壽至

國朝康熙初年周君之榆起而纂述功倍作者不數年鄭君夢坤刪輯釐然可觀未幾吳逆盤踞樓板淪亡今所紀述凡殘篇隻字不遺以昭近守

一劉志王志悉已斷簡如謝志自四卷至六卷得之諸生成子日章鄭志自卷七至十二得之鄒子一

源周志三卷四卷與十一卷得之李子榮炳率皆

篇殘字闕予挑燈夜分幾經意逆釐定猶未

得半也今邑尹劉君涵以藍昔隸於桂隣於臨

因關二志復請府志通志由是歷來事蹟旁覓

細校完美成集例得脩書以示遠宗

一殘志義例紛雜似無倫次今倣諸志區分品

類綱以紀要目以職詳列綱十有二篇目五十有

八於是綱舉目張事各一志志各一叙條理井然

以正體裁

一綱目下例有論斷若止藻續續紛與夫文義輒

茁抑或耳言溢美欺人耳目而於政教人心絕不相

關則將焉用彼志矣竊意志以紀實須確切地宜

庶守斯土生斯土者知所取裁也予謬抒一得善善欲長愛人以禮不辭狂悖

一集中所登其由來必攷之經史證之諸古籍方

無迷舛今山城苦無藏書惟周禮借之楊子百川

他如五經廿一史朱子綱目左圖國史記管子楚辭

前後漢書天文志括地志爾雅山海經水經注溝

洫志方輿勝覽文獻通考昭明文選凡此者皆引

証所及多得夙肯之庭訓邇厥淵源敬識所自

一余乃昭潭三家村一學究耳本不能文值

李大中丞公軫念封疆殷懷求莫甫下車即檄邑

宰劉君涵修志益欲了了全楚之情形時宜措置

不使一夫不獲也劉君軼掌簿書月無寧日傳集

紳衿以手筆相屬而諸子三議三讓交推於余余

固辭不獲乃不揣固陋援筆草創是劉君諸紳衿

僉議以責之余余以承劉君者敬報大中丞命

將來修歸潤色自不乏人此特供其採擇焉可也

不則愈久愈湮後將安倣劉世臣識

綱目引言一十二則

一序文目錄凡例後先列圖象俾觀者早知大槩也但他志止以四境及城池縣治學官各圖并首

而星宿則寫在分野志內竊謂天統地地承天似難倒置今首天文次地輿此天爲地綱而圖象所以先諸綱也

一圖象後諸志率多專紀天文然後另志封域余謂封域既各有地自各有天上行下濟本不宜分覆吾載吾即覆即載也今以封域該之分野封域之天也沿革疆界形勝山川封域之地也古蹟風俗物產災祥淫尚天地之點染乎封域也此封域所以挈綱也

一天地設位而人事行乎其中矣志曰營建若城池若廨署營建莫先焉若壇廟以祀神庀民街市鄉都以定居成事驛鋪津梁以傳命濟人坊表爲善良之勸惠政濟涸轍之窮皆不得任諸天然之氣數此營建所以挈綱也

一營建既興經費浸廣量入爲出乃恤下之深仁以下貢上實普天之大義如戶口之有版圖田賦之有科則鹽政之有定額踐土食毛總隳括於賦役此賦役所以挈綱也

一既富方穀厥惟教哉

至聖挺生以師萬世而禮明樂脩入廟告虔師

範儒行樂群敬業由是與其賢能於國崇其齒德於鄉抑且丁寧告誡弗納於邪分粟授餐供其乏困而講堂精舍復設之以曲成不遺是守先待後群萃黌宮矣此學校所挈綱也

一養教脩舉此治法也非治人則法莫行秩官之建綦重矣哉於是花封百里惟令主之勸勸廉事惟佐分之至於政通人和生則榮其封沒則思其德循良之紀無間尊卑此秩官所以挈綱也

一文治治昌可長享太平矣然弭變未然武脩不可弛也必武職有干城之選戍兵皆如山之旅建威銷萌其可必矣或有警則投袂而起獻馘獻功非異人任故曰脩其不虞事至而戰此武脩所以挈綱也

一文揆武奮而賢才輩出矣取士不執一途故科目三年一試辟舉朝暮授尤貢選則通變制宜若夫官惟賢並念賢之所自出而有肥封事惟能不忍能之限於資而有雜職野無留良國無廢事此選舉所以挈綱也

一士君子既膺選舉名顯當時矣而或沒則已爲其人可知也若夫不分潛見而德業聞望聲施後

世曰名賢其有耻不辱者與曰孝子則能立本矣義行則能公利矣他如知足不辱而曰隱逸即次留芳而曰僑寓死而不朽必若而人此人物所以挈綱也

一綱維宇宙鬚眉事也乃香閣弱質偏以孝節貞列顯其體坤順其德剛健中正矣巾幗也乎哉鬚眉也此列女所以挈綱也

一三才永英庶事成康類有文章歌咏以導育之蓋不言而芳誠難掩也積厚而流允莫過焉然至此而始志之者藝乃德之餘文則道之顯不以藝末先道德也夫文以名世亦以傳世雖體裁不一而無與於邑之景物人事者不登此藝文所以挈綱也一質文兼脩其形外者其誠中蓋無外之非內矣然有自外吾道者其言異其服異因而其居異其人異其始終生死尤異焉我外吾仁兼愛外吾義彼既自外之吾安得而內之乎夫子曰丘方以內者也彼則方以外者也此方外所以挈綱也

劉世臣再識

藍山縣志卷之一

遷安劉 鶴主修

耶潭劉世臣纂修

三藍成廷屏分校


圖象志

古人之著作意言多不能盡故立象以盡意庸可忽乎哉使測圭而探冥冥扶節而索耿耿抑或積時累日而向摘章尋幾費焉矣扶一邦之精蓋先付道子寫生首天文昭分野也次地輿演水土也次城池嚴捍禦也次縣治次學宮崇政教也政教崇而文治光焉捍禦嚴而武衛奮焉水土演而財用豐焉分野昭而天之示人顯焉人之則天具焉尺幅中氣象萬千攷古者手揮目送心曠神怡耳司牧者按其隆替之白醇梗之好孰排孰強何今何古民殘民慢我韋我弦吾知其茹藥飲冰乾乾惕若也志圖象


劉世臣識

天文分野圖

南方七星分野之圖



軫星之圖




軫宿步天歌

四星似張翼相近
左轄右轄附兩星
門西四個土司空
青丘之下名器府
以上便是大微宮

中央一個長沙子
軍門兩黃近翼是
門東七鳥青丘子
器府之星三十二
黃道向上看取是

藍山縣輿圖



城池圖

